



22393

III

Mag. St. Dr.

P

SAVI
lice in Colle

cent. 10. 165
2
3. IV. 165

R
A

I

R
I
P

*cent. 0 Kop.
2
3. IV. 165.*

CELSISSIMUS
ILLUSTRISSIMUS

AC

REVERENDISSIMUS DOMINUS D.
ADAMUS JGNATIUS

IN KOMOROW

KOMOROWSKI
DEI & Apostolicæ Sedis Gratia
ARCHI-EPISCOPUS

GNESNENSIS

LEGATUS NATUS

Regni Poloniæ Magniq; Ducatûs Lithv:

PRIMAS

PRIMUSq; PRINCEPS

Perpetuus Commendatarius Tinecensis

ABBAS &c. &c.

In primo ad Archi-Diæcesanam Cathedram aditu.

à

Devotissimo Celsissimo suo Nomini Collegio Loviciensi

Scholarum Piarum

SALUTATUS

&

ADORATUS.

Anno

Æræ

Vulgaris

1749.

Phot. pol. 5546

VARSAVIÆ

Typis S. R. M. & Rei-Publicæ in Collegio Scholarum Piarum.



In
Avitum Decus
PRINCIPIS CELSISSIMI
PRIMATIS.



23. Stralsund, in. 1794. 1. 1. 1.

22393 III

Exemplo & verbo pascis quas optime Pastor,

Insuper hoc Patrium stemma tuetur Oves.

Hinc virtus, pietas, vigilantia Præsule digna

Inde Gregi præsto splendor Avitus adest

Jam gratis igitur Christi tentatis ovile

Tristia conservant quos stygis antra lupi.



PRINCEPS
CELSISSIME
DOMINE ac PROTECTOR
GRATIOSISSIME.



*Elix faustusq; hic Tuus ad Metropolita-
næ Gnesnensis Ecclesiæ Archi-Cathe-
dram ingressus, quod, si totam Patriam,
& omnes ejus Ordines ingenti lætitiæ
perfusos sensu ad mutuas sibi de Te con-
gratulandi vices excit & evocat, quod Te vitâ vitæq;
probitate Sanctiorem Aris Antistitem, in rebus Fidei
propagandis zelo insignem Sedi Apostolicæ Legatum
Natum, Regnatrici Domui nullâ negotiorum frangen-
dum mole Vice-Regem, Senatui Principem omnem
auctoritatis existimationisq; ejus præferentem dignita-
tem, Terris, Districtibus, Palatinatibusq; Primatē enixè*

exoptatum accedere videant & intueantur; profecto
Ordinem nostrum, cum semper alias apprimè Celsitu-
dini Tuæ devotum, tum de præsentī Tua fortuna ma-
ximè congratulantem Tibi, illis erga Te addicit offi-
cijs, ex quibus facile Princeps intelligere possis, & e-
um Tibi, Sacraeq; Tuæ Purpuræ nos deferre cultum,
qui à cætu minimo maximis honore & dignitate defer-
tur Principibus, & eam Protectionis Tutelæq; à Te
implorare opem, quâ grex pusillus, Regniq; pars parva
Tui, nulla dein adversa vereamur.

Quod quidem Protectionis Tuæ præsidium, cum to-
ta Polona Scholarum Piarum Provincia, tum, & vel
maximè Loviciense hoc Collegium à Te implorat Prin-
ceps, utpote illud, quod quàm in sinu, manibusq; Di-
vorum Antecessorum Tuorum gestatum crevit, & ado-
levit, tam nisi à Te Eorum Successore foveatur & pro-
tegatur, ulteriori rerum suarum successu, successuumq;
eventu haud poterit maturescere. Advolvitur en jam
igitur illud pronum, Tuo huic Solio, in quo Antistitum
Antistes, Princeps Principum, Regum Coronator, Re-
gni PRIMAS ab omnibus adoraris, & simul quâ sensu,
quâ voce, quâ votò, quâ animò, quâ paginis istis ali-
quot, quas Celsissimo Nomini honoriq; Tuo dicatas esse
voluit, quasq; Primatialibus Tuis in præsens substernit
plantis, Eum Te salutat, cujus summæ ab undiq; Ma-
gnitudini, cum nihil intra Patriæ limites tam augustum
reperit, quod accedere optet, extra Patriam illud Tibi
precatur fastigium, ex quo universalis totius Ecclesiæ
Præses & Antistes adoraris.

Celsitudini Tuæ.

Devotissimum Collegium Loviciense
Scholarum Piarum.



I haſtenùs dubitavit Polonia an res ſuæ,
rerumquæ ſuarum momenta benigni-
ori eſſent Divorum curæ, jam ubi Tu
Princeps Celiſſime Pontificias amplif-
ſima hac in Archi-Diœceſi capeſſis
Tyaras, Principem occupas in Senatu
locum, Vice Regiam in Regno poſſides Majeſtatem,
Primatialibûs omnes inter utriuſque Gentis Antiftites
excellis purpuris, ſimulquæ munere Legati Nati præemi-
nes, minime dubitare poteſt quin fauſtum, felicemquæ
fortunæ ſuæ curſum cuncta nutu moventis Providentiæ
DEI referat in acceptis. Quod ſi enim clariùs nullum,
nullumquæ luculentiùs Divinæ circa res mortalium ſol-
licitudinis indicium eſſe poteſt, quàm ut quod illæ ſuæ
ad commendationem incrementumquæ gloriæ, avidis
exoptant votis, hoc idem feliciore eis contingat eventu;
Certe CHRISTOPHORO SZEMBEK, Tuo Princeps
Prædeceſſore, cùm hâc Purpurâ, tum omni in Eccleſi-
am ac Patriam virtute Celiſſimo, vitâ non minùs quàm
meritis Vice-Rege dignis functo, & tota Reſpublica,
& omnes Reipublicæ ordines non ampliùs optare ſibi
mutuoquæ præcari videbantur, quàm ut talem tantum-
quæ ſortirentur virum, qui magni undequaquæ ſuccedens
in locum Principis, Princeps ipſe, ejus ita inſiſtere ve-
ſtigijs, ut mutato Principis nomine, idem erga Religio-
nem cultus, erga Patriam amor, erga Rempublicam
obſequium, erga Majeſtatem fides, erga libertatem a-

nimi affectio, erga leges Majorumque instituta zelus, erga concives propensio, erga exteros Gentis suæ honor, erga egenos, inopes, pupillos, orphanos, spe vitæ destitutos affabilitas, commiseratio, liberalitas, clementia, eadem plane cerneretur. Felicem Te! quinimo terque quaterque Beatum, Princeps CHRISTOPHORE, qui tantam Tibi Nominique Tuo in Orbe Lechico comparasti gloriam, ut cum Te Primate Regnique sui Principe ob ineluctabilem mortalitatis legem continuo frui non possit, tum vel imagine Tui frui perpetuo Principibus ambiat in successuris.

Et hoc communi Reipublicæ voto, cum felicem Beatumque prædicamus illum, tum plane Divinum Te Princeps Celsissime, necesse est prædicemus, qui non absque singulari indicio, & iudicio Numinis, ille palam ac coram repertus es, cujus quàm pari lacerto publicis onerata curis insideret purpura, tam universæ vota Patriæ virtus coronaret. Accedis enim Regno Vice-Rex, sed nulla negotiorum frangendus mole, Sedi Apostolicæ Legatus Natus, sed nullis in propaganda fide lassandus laboribus; Serenissimæ Majestati succollator, sed quo non firmior; Purpurato Ordini Primas, sed quò non Augustior; Polonæ Nobilitati Princeps, sed quò non celsior; Archi-Diæcesi Præsul, sed quò non sanctior; libertati vindex, quò non acrior; Legibus custos, quo non vigilantior; Templis, Aris, Religiosis Ordinibus Protector, quo non melior alter potuit evenisse.

Quam Patriæ gloriam, Regniq; ex Te Princeps fortunam, cum Majestate, Serenissimo; heroicâ fortitudine, invictissimo, Paternâ erga commissum Divinitus sibi Regnum curâ Clementissimo, foris terrori hostium fulmineo, Domi amoris civium suavissimo Nomine AUGUSTO III. re vero ipsâ semper & ubique Augustissimo Regi debemus Nostro, tum potissimum ad DEUM ipsum summamque ejus circa res nostras referre cogimur Providentiam. Illius enim dona, illius hæc munerum sunt, nec quidquam est, quod sibi humana vis, humanumque arroget ingenium, ubi Tu Bono Pastori Bo-

nus

nus Pastor, Optimo Principi, Princeps Optimus Regni succedis in Primatu. Non enim (quemadmodum sæpe sæpius solet, ut eo quo mens fert, ambitusq; jubet pertingatur facilius) Tua licet amplissima erga Ecclesiam ac Patriam in Publico ventilaveras merita, non generis Nobilitatem quantumvis præstantissimam, summisque parem magnifico jactaveras apparatu, non aulæ, nisi præstandi Patriæ causâ obsequij adstiteras, non Principis obtutui Te ultro ingesseras, non Procerum Primorumq; Regni manus contrectaveras, sed intra limites summæ, ac illius plane Divinæ modestiæ Tuæ, quâ Pontificias etiam toties oblatas Tibi respueras Jusulas, Te continens, ultro à Principe adscitus, à principatu quæsitus, à Republica ad hocce honoris fastigium expetitus es, non obtemperaturus his etiâ, nisi Majestas, fides, Religio, libertas, Leges, gentis honor, in discrimen vocarentur.

Quare vide jam Princeps Celsissime, quantam Illustrissimo Nomini Tuo adsciveris gloriam, dum è non postremo quidem in Ecclesia honoris gradu, ad sublime hoc in Republica Primatialis Purpuræ eveheris culmen; quam existimationem virtute Tua comparaveris Tibi, dum Sanctis, Sanctioribusque Archi-Præsulibus Sanctus & Sanctior Archi-Præsul sufficeris; quam apud omnes meriti Tui æstimationem inveneris, dum in hoc Regno quod Principem libertate semper in orbe tenet locum, secundus potestate & subsellio collacaris. Sed non minus adverte, quam ingenijs curam, quod lingvis negotium, quod propensis in Te, bonumque commune animis incitamentum admoveris, Tua hæc (aut si hoc renuis) Divina hæc in Te munera prædicandi. Quæ enim ætas, status, sexus, conditio esse poterit quæ Tuam hanc, virtute nonnisi partam, conticescat gloriam? nulla profecto ætas, conditio, status est, ac erit, qui Te Primatem, Regnique primum Principem, summo Gentis honori, Reipublicæ commodo, Ecclesiæ ornamento, Boni communis utilitati Divinitus datum non recognoscat.

Et, si hoc munus præsentis Tuæ deprædicandæ

gloriæ, quam congruum Tibi, tam honorificum omnibus Reipublicæ imposuisti ordinibus, non ne etiam & minimæ Calasantinæ *Scholarum Piarum Religioni* hanc eandem injunxisti operam? iniunxeris, utpote tam multis Celsissimo Nomini Tuo obæratæ Nominibus, an pro magnitudine dignitatis præterieris, ut minimam, nec usquam laudibus Tuis parem; illa tamen seu tenuitatis suæ pretium à Tua captando magnitudine, seu magnitudinem Tuorum in se beneficiorum grato pensando animo, hoc licet impari ingenio, venturis ad memoriam, aut invidiam potius transcribet sæculis, quod fuis toties ad DEUM precibus, continuis ad aras suspirijs, enixis ubique votis Tibi ex animo hætenus precabatur. Quod hætenus minimus Calasentinus *Scholarum Piarum Ordo*, æquæ virtutis ac magnitudinis Tuæ conscius Tibi precabatur Princeps, illud, quam ejus votis summum, tam suo decore semper illustre fuit & augustum. Quidquid enim fulget in Jnfulis, radiat in Mitris, nitet in Paludamentis, rubet in Purpuris, quidquid in subscellijs altum, in fascibus decorum, in omni titulorum splendore, honorum gradu, dignitatum fastigio, quidquid Majestuosum sublime, clarumque est, evenire Tibi precabatur. Quinimo ne illis quidem, quos summos ac maximos ubivis integer habet & veneratur orbis parcebat honoribus, quin Tibi illos vel Tua sic exigente amplitudine, vel suis ita ferentibus animis precaretur.

Metiebamur nimirum virtutis Tuæ magnitudinem votis nostris, seu potius vota nostra ad Tuam composuimus magnitudinem, quâ Tu quosquæ adæquans maximos, ille jure merito judicabaris ab omnibus qui omnibus Ecclesiæ ac Patriæ honoribus ornareris. Non potes itaque dubitare Princeps Celsissime, ut qui omnia honorum insignia, dignitatumque ornamenta, optime precantibus congefferamus in Te animis, non etiam hanc Archi-Præsulei honoris eminentiam Tibi deferremus; Imo verò eò majore animorum æstu, nos Tibi hunc precari arbitrære quo illum omnibus Ecclesiæ ac Patriæ congestis decoribus cumulatum, in Regno hoc esse fu-

isse-

isseque semper recensuimus. Qui quoniam felicissimo eventu Tibi contigerat; functi nos jam aliquomodo nostris erga Te sumus votis, sed erga Celsitudinem præsentemque hunc Tuū in Republica Magistratum minime functi obsequijs. Nam quorū antehac intererat summa quæque præcari Tibi, nunc cum amplissima ac maxima es consecutus, interest eorundem, prædicare quam hinc Tibi Nominique Tuo gloriam & existimationem adsciveris, Supremo huic in Republica muneri, quod decus & ornamentum Genere, virtuteque Tua attuleris, ac demum quod Patriæ quodve Ecclesiæ emolumentum hoc Tuo optime gesto Magistratu sis allaturus.

Atque inprimis, quam gloriam, quamvé existimationem præsentis accessione honoris, Tibi Princeps Nominique Tuo adsciveris, ut vel ipse luculenter videas; Vide nativi intra limites Regni munus hoc Divinitus oblatum esse Tibi, quò summa Ecclesiæ, summa Patriæ omnia teneas & attingas. Etenim si vel ipsius Archipræsulei honoris Tui spectaveris excellentiam, eò Te e-
vectum esse jure merito arbitrare, unde & à quo Gentis Apostolus, fidei Magister, Regum Pater, Antistitem Antistes, Sedis Apostolicæ Ille sis & audias; *per quem non minus Nomine suo, quam re factisq; inclytissimi Regni istius ad Beatam Petri Sedem universalis in rebus fidei cura & sollicitudo devolvatur.* Nempe: hic est Metropolitanæ Tuæ in Regno Ecclesiæ honor, ut quemadmodum hæc illa est, *à qua traducem fidei & semina doctrinæ, ceteræ per Regnum Ecclesiæ mutuatae sunt, & quotidie mutantur, ut Ecclesiæ fiant; ita Tu Antistes Ejus, & Præsul hic munere & dignitate, qui in augendo fidelium numero, servandis conservandisque libertatis Ecclesiasticæ juribus manutenenda primæva disciplina, extirpandis vitijs, iniquis abolendis consuetudinibus, optimis introducendis moribus sollicitudinem suscipiens amplio-
rem, vice fungeris Apostolicâ, eumq; Te geris, cujus arbitrio quam omnes per Regnum regantur Ecclesiæ, tam non modo omnes omnium Provinciarum*

Leo Pont:
M. in Epi-
sto: 88.

Tertull:
lib: de præ-
scrip: c 20.

B &

Joan Wę-
zyk Arch:
Ep: inPræ
fat: ad E-
piscop:

& Statuum Ordines, sed illi etiam *quos Majores Nostri Legum & Reipublicæ hujus Conditores primum in Senatu & Republica locum tenere voluerunt*, quosque *DEUS ipse Ecclesiæ suæ Præsides Custodes & vigiles destinavit* authoritati cedere doctrinæ obsequi & morem gerere teneantur.

Quæ Archi-Præsulei muneris Tui excellentia, & si tantam Tibi Princeps accersit gloriam, ut Pontificiæ plenitudine potestatis, in Sacro etiam Antistitum ordine Principem facile teneas locum; adauget tamen hanc eandem, longeque ampliolem reddit amplissimum illud in Ecclesia Natæ Legationis Sedis Apostolicæ munus. Quis enim tam rudis rerumque ignarus est, qui non summo id cuique decori & ornamento esse fateatur, quod & dignitate tantâ est, quanta maxima esse potest, & Authoritate in rebus tantâ, quanta maximos quosque deceat viros? Tuum profecto Natæ Legationis munus tantum est, ut & dignitate & Authoritate Supremi in terris Christi Vicarij, cujus fastigium omnia alia antecedit, faciem præsentiamque repræsentantes. Ita nos enim de Sacro hoc Legationis Magistratu proditum accipimus: *Cum summi Pontificis proprium munus sit singulis Ecclesijs Pastoralis officio incumbere, ipseque omnibus personaliter & perpetuo adesse non possit, merito introductum est, ut selectissimos viros, perpetuos in Provincijs Legatos instituat, qui & id quod ipse per se personaliter non potest adimplere exequerentur, & populos imbuerent reverentiâ Pontificum Romanorum commendatâ successione & Authoritate Apostolica: intentatis adversus eos minis qui Majestatem Romanæ Sedis minus colere viderentur.* Unde quo loco & ordine Ejus gloriam, positam esse velles Princeps, in quem Suprema in terris potestas suas transferret vices, cujus fidei & zelo imminutam Authoritatem suam ulciscendam, aut in integro tutandam committeret; ad quem gravissima, & nonnisi per se tractanda negotia remitteret; eò loco & ordine Tui gloriam Nominis Natæ Legationis munere positam esse existima & intueri.

Offz: Arch:
pag: 51. de
Leg:

Idem: de
Legat nat:
pag: 51. &
pag: 59.

Jam

Jam verò hōc Solio, quod Primas Primusque Regni Princeps occupas, quid Te quid Tuo Nomine dignius evenire Tibi potuit? intellige Princeps: illud Te honoris conscendisse culmen in quo cum omnia præter solium relucet Regia, tum Tuam usque eò provehunt gloriam, ut Te non tantum venerationi suorum, sed admirationi quoque ac cultui reddant externorum. Quid enim ego hic memorem aulæ Tuæ splendorem Regio parem; quid aulicorum comitatum de lectissimis in Equestri Ordine viris lectum, quid Magistratus ac Officiales adinstar regaliū institutos, plenā jurisdictione fungentes, quid securitatem immunitatemque Principis Tuæ Personæ ubivis locorum lege vallatam publicā, quid adducam præcedentiam, qua ne ipsis Regij sanguinis Principibus cedis; cultum, quo omnes Principes Regni-que Primores, publicos Te ingredientem congressus prosequuntur; honorem, quem Reges quoque ipsi Tibi venienti exhibent; quid referam compellationem Tuæ dignitatis, plenam Illustrissimi, quæ Tibi nonnisi Soli à Senatu defertur, dum de dicenda rogaris sententia; quid Primatialis impressionem Nominis, quā rescriptis præscriptisque, quoties titulo Reipublicæ prodeunt, publicam facis fidem, quid denique interventionem inter dominium & libertatem, Regem & Rempublicam, quā tanquam Reipublicæ Plenipotentarius, Universalis Senator, Terrarum Palatinatumque Princeps, Supremus legum libertatis & Majestatis Custos semper fungeris; Ipsa illa Suprema Autoritas quæ Interregni tempestate ad Primatiale hoc devolvitur Solium, Eum Te Princeps asseverat, qui cum ingenti glōria & existimatione Nominis in Supremo dignitatis fastigio constitisti.

Quàm enim illustre, quàm magnificum, quàm ingentis gloriæ plenum est illud, in hoc Regno quod origine sua Nobile, antiquitate pervetustum, nominis sui fama inclytum, amplitudine terminorum non impar majoribus, quod bellis invictū, victorijs clarum, trophæis onustum, triumphis celebre, quod opibus & honoribus florens, legibus & consuetudinibus præcellens, nativā

libertate toti venerabile orbi semper exstitit & extat,
 cujus quotquot Indigenæ, tot Nobiles; quot Nobiles,
 tot ornatissimi Cives; quot ornatissimi Cives; tot fortissi-
 mi heroes; quot fortissimi heroes, tot arte & Marte di-
 stinctissimi Proceres; quot Proceres, tot orbis Dynastæ;
 quot Reges tot domitores, proculcatoresque Regnorum
 numerantur; quàm inquam ingentis plenum est gloriæ
 illud in hoc & tanto Regno, abrepto fatis Principe,
 truncataque suo moderatore Republicâ, Solum esse qui
 Pro-Regis nomine summâ rerum potiatur, labentibus-
 que Regni succurrat rebus? qui nutantē Rempublicam,
 turbatos ordines, mærore ac formidine mista omnia &
 permista, in sinum suum suscipiat, foveat, componat &
 soletur. Qui autoritate suâ Senatum convocet, cum
 eodem Palatinatibus, Terris, Districtibus, comitia indi-
 cat, Consiliorum quam Author, tam eorundem Præses,
 Moderator & Arbiter existat, Qui legationes Reipubli-
 cæ sub titulo Nominis sui ad exterarum nationes expediat;
 missas ab iisdem ad Rempublicam ipse audiat, & dimit-
 tat; omnia belli & pacis negotia cum Senatu transi-
 gat; Qui Reges cum ordinibus eligat, electos nominet,
 Nominatos coronet, coronatis primus assideat; ac de-
 mum in quo: *Coronæ Poloniæ tota consistat dignitas &
 libertas.* Tantis ac talibus distinctum rationibus dum
 attingis Princeps honorem, poterisne amplius vel in-
 tra Te ipsum dubitare, eò Te pertigisse, unde quam sum-
 ma in Ecclesiastico & politico Statu, Tua spectetur au-
 thoritas, tam maxima ubivis locorum Tui gloria au-
 diatur Nominis? Tuum sit, quod Tu de Temetipso opi-
 naris; nostra omnium interest asserere; fastigium hoc
 quod Solio nonnisi distinguitur à Regibus, quodque su-
 orum venerationi maximæ, externorum verò admira-
 tioni & acceptioni tantæ est, ut ei aliquando suprema
 Orbis deferretur dignitas maximam Tibi adsciscere e-
 xistimationem & gloriam, imo quo illud gradu subli-
 mius, decore splendidius, potestate amplius, authorita-
 te Majestuosius in Ecclesia & Patria habetur, eo Te in
 statu utroque magnis Majorem, summis parem, maxi-
 mis reddere propiorem. Hanc

Orichov:
 Roxol:

Dlugos:
 de Nicolao
 Traba Ar-
 chi-Episco-
 po Gnesne:

mes in Zywiec amore succensus Majestatis proprijs stipendijs, æstivos tolerare soles, necnon graves in galea portare nives, non prius destitit, donec Vladislaum Regem Poloniæ Pannonicis imposuisset cervicibus. Spe frugi melioris quodsi leve fortunarum pati dispendium Patrij honoris ergo, non piget alios; Petrum Comitem in Zywiec tunc, cum non minus Regius, quam Divus Poloniæ Princeps, ad Hungaricum invitabatur diadema, non septem tantummodo arcium, sed integri etiam ditissimi in Hungaria Patrimonij jacturam non pœnituit subiisse. Jngens hæc sanè meriti in Rempublicam & non nisi in Celsissima Domo Tuo audita, Majorum Tuorum *Princeps* est ratio; Necdum pro condigno sanguinis altis honorum evehi subsellijs, & jam pro honore Patriæ exoticis imponere Reges gentibus; necdum, liberalem Majestatis sensisse dexteram, & jam pro ejus gloria ingentes profundere opes; necdum pane benemeritorum nutriri à Patria, & jam pro ejus incolumitate vitam & sanguinem non modo quibusvis obijcere periculis sed etiam in tumulos conijcere mortuales.

Quid verò si his accesserit Nicolai Præfecti Lanciciensis magnanimitas, quâ utramque Reipublicæ fortunam optime moderari novit. Laurentij in Strussow, Romanis par Decijs dexteritas, quâ Tauricanos toties à Patria repressit impetus? Christophori Sandecensis, Petri Polanecensis, Christophori Oswiecimensis, Castellanorum, jam in Senatu prompta consiliorum administratio, jam alibi locorum, larga, ac illa ferme profusa liberalitas, quâ semper publici indigentiae ærarij, calamitatibus Regni, angustis Patriæ temporibus, absq; ullo non modo frontis, sed mentis etiam renisu suam tulere opem? fatendum profectò, Polonæ fatendum est Reipublicæ, id se in summis istis ingenio & marte Viris à Celsissima Tua *Princeps* ultro citroque accepisse Domo, quod ne ab illis quidem justo sperare deberet, in quos maxima quæque opum & honorum beneficia contulisset.

Hæc virtutis semitâ, hoc meritorum quinimo be-

D ne-

czybyżby się nie wpodroga na mięjsze

neficioꝝ in Patriam tramite iēre omnes, quot quot de
Celsissima Tua *Princeps* recensentur Domo Nomina :
Theodorus Mareſchalcus Curia Regni, *Nicolaus* Præ-
fectus Oſwiecimensis, *Ioannes* Dapifer Beſzenſis, *Stepha-
nus* Regia Cohortis Tribunus, *Adamus* Canonicus
Cracoviensis, Abbas Wąchocensis Regens Cancellaria
Regni, *Ioannes* Pocillator Beſzenſis, *Adamus* Venator
Buſcensis, *Stephanus* Succamerarius Beſzenſis, imo ve-
rò virtute propria hocquē quo ſummo quiſque eorum
præditus erat ingenio, Majorum ſuorum adaugendo
merita, ſui in ſummum, gloriam Nominis evexerunt.

Et cum cæterorum æquē Nomine ac virtute Il-
luſtriſſimorum Avorū Abavorū, Atavorumque Tuorum
ampliſſima in Patriam merita non diſerta Oratione,
ſed plena cultūs & reverentiæ taciturnitate celebramus,
Tui Princeps Divi Progenitoris *Ioannis* Dapiferi No-
vogrodensis, quam ex præſtitis Patriæ qua ſagō qua To-
gâ obſequijs; tam, & vel maxime ex præſenti Reipub-
licæ fortuna, quam ex Te Germaniſquē Tuis ipſa nan-
ciſcitur Fratribus, gloriam haud uſquam poſſumus præ-
terire. Egit Ille equidem quod ſummum ingenio & e-
loquio decet virum, in Comitijs, Conventibus, Judicijs,
Tribunalibus, Fidei Deſenſorem, Aſſertorem Legum,
Libertatis Vindicem, Boni communis Tutorem ſtrenu-
iſſimum. Egit virum, quo in obeundis Palatinatum,
Terrarum, Diſtrictuum munijs vix exactior, in præ-
ſtandis Reipublicæ obſequijs vix promptior, in ſubmi-
niſtrandis Patriæ conſilijs, vix prudentior, in re milita-
ri vix quiſquam exſtitit peritior.

Egit erga Maieſtatem fidelē, Concives humanū, Tem-
pla, Aras, Sacros ordines liberalem, eum erga omnes,
& ſemper egit virum in quo, & à quo cū ſumma e-
xoptabant omnes, maxima receperunt. Egit deniquē
virum hunc & eum, in quem ſi etiam ſumma Negoti-
orum Regni devoluta fuiſſet moles parem ſe ei præſti-
tiſſet. Hæc tamen penes animi fortunæq; dona Patriæ
egit Patrem hos ei gloriæ virtutisque ſuæ ſuperſtites re-
linquendo filios: quorum illa & exornaretur Nomi-
bus,

bus, & pari Nominibus merito augeretur. Nimirum ultro hoc ad virtutis suæ erga Regnum & Rempublicā meritum adjecit ille quod prompte in votis habuere omnes, at in eventu vix aliqui fauste optimi Patriæ attingere Patres: Dum superes, Tuæ in nullo defis Patriæ, cum verò defeceris, hos ei relinquito qui vultum Tui referendo Nominis, virtutis quoque referant normam & exemplar.

Talem ac tantum primumquē horum de numero spectandum se sistit Illustris *Stephanus* Dapifer Belzenfis Colonellus Artileriæ Regni, cui cum par Avis Atavisquē, par primis & succedentibus Orbis Heroibus in re militari non deest gloria, tum & vel maxime vis illa inest ingenij, quā & ea quæ statum Reipublicæ concernere, & quæ ad legum justitiæquē rationem pertinere censentur, facile teneat comprehensa. Loquitur hanc ejus ingenij felicitatem eruditionisquē gloriam publica Orbis Poloni fama, quæ eum jam in Tribunalibus insignem æquitate Judicem, jam in Generalibus Regni Comitibus, Strenuum Consilio Nuntium, jam in particularibus Districtuum, Terrarum, Palatinatum Conventibus, fortem eloquio Assessorem ubiquē circumfert & deprædicat.

Non in minori famæ gloriæquē luce spectantur Illustris *Iosephus* Dapifer Horodlensis, *Ignatius* Ensifer Chelmenfis, *Michael* Venator Lubaczoviensis, utpote illi qui libertatis integritati, Legum observantiæ, Regnatricis Majestatis cultui, boni communis, immunitati Terrarum Palatinatumquē, cōmodis universæ demū Patriæ incolumitati maturis solidisque consilijs, promptis & exactis obsequijs, insignibus fortunarū impensis, nusquam desistunt insudare.

Quam verò gloriæ utilitatisque suæ messem & tota Patria & omnes ejus Ordines de Illustri *Petro* Venatore Braclaviensi appromittebant sibi, dubitare nemo potest, quin hanc & eam, quanta maxima ab eo provenire potest, qui quàm alto censeatur de sanguine, tam illis sit rationibus innutritus, quibus nulli boni cō-

munis emolumento deesse possit; At hanc Patriæ spem, speiq; de Eo eventum ipsa prævenere Astra, citius hunc sibi vendicando, quo diutius frui, terræ in votis habuere. Hoc tamen immaturi fati ejus saucia Respublica vulnere, haud caret, quo suum relevet dolorem, dum ea in se collata virtutis obsequiique ejus recolligit merita quibus & illa se hætenus felicem beatamq; sentit, & illum eum, qui brevitatem vitæ, amplitudine supplens gloriæ, eam sibi in Orbe Lechico comparavit famam, ut nusquam de perenni sæculorum memoria sit excessurus.

Tuum & illud est *Princeps Celsissime* quod de *Samuele* Ordo Carmelitanus, de *Marco* Minima Congregatio Nostra, Germanis Tuis Fratribus sui legit honoris & ornamenti, quinimo tantò magis decus hoc, honorque Noster ad Sacram Tuam *Princeps* devolvitur Purpuram, quantò propius Illi non Nomine Sangvineque tantum, verum virtute etiam & merito in Ecclesiâ, ad Tuam accedunt dignitatem.

At talis & tantus dum Te *Princeps* stipat splendor, eaque circumstat gloria, quâ Tu non minùs altis Clarissimorum Virorum Nominibus, quam virtute, amplissimisque eorum in Ecclesiam ac Patriam collatis ad-auctus meritis, Magnus ubiq; excelsus ubique, hic ubique es, & audis, qui tot Religionis magnanimitatis, fortitudinis bellici roboris, ac indolis, proprij de stirpe Sangvinis, viva reproducis exempla, quot longâ eâque non interruptâ serie Viris Viros, Heròes Heroibus lectos succedentesque videre est & intueri, tum demum hic ab omnibus adoraris, qui quot quot honore & virtute excelsa, ac ea, magnitudine rerum à se gestarum, ipsos attingentia cælos Orbis Sarmaticus recenset Nomina, omnia hæc Celsissimo Nomini Tuo stricto affinitatis nexu adjunxisti. Quanta enim quanta est in Statu utroque Civili & Ecclesiastico gloria, quantumque primis honorum nota Subsellijs *Illustrissimorum* POTOCCIORUM, WIELOPOLSCIORUM, MYSZKOWSCIORUM, LACKORONSCIORUM, LIPSCIORUM, PO-

NIA-

NIATOWSCIORUM, BRANICCIORUM, SAPIE-
HARUM, JORDANORUM, OSSOLINIORUM, SOŁ-
TYKORUM, WALEWSCIORUM Nomina, quidquid
de rebus bello & pace præclarè à se gestis suæ in orbe
retinent famæ, DOBROGOSTIJ, TĘCZYNSCIJ, OLE-
SNICCIJ, KORYCINSCIJ, KOSTKOVIJ, HUMIEC-
CIJ, RADECCIJ, quisquis manet honor SZULIMIR-
SCIOS, PRZYLECCIOS, ŁOPACCIOS, BEKIERSCI-
OS, KRASINSCIOS, JAROCCIOS, SZCZAWINSCI-
OS, OBODYNSCIOS, GŁUZYCCIOS, BORZĘCCI-
OS, ZŁOTCIOS, MŁOCCIOS, GRABIANKAS, MA-
KOWIECCIOS, integer hic ad Te, Tuumque Celsissi-
mum refertur Princeps Nomen, ut illud cui cum in-
clytissimis his Nominibus aut (ut veriùs loquar) Orbis
Lechici Numinibus strictū cognitionis fædus intercedit.

His jam itaque Originis altissimæque cognatio-
nis illustratus decoribus, nonnè huic quem summum, &
quo (nisi extra Regni limites Vaticanus major) con-
scendis honorem, parem quàm ab ipso accipis, refundis
splendorem? habuerit recensueritque ille eos sui Succol-
latores, qui Generis originisque suæ præstantiâ, aliquod
sibi existimationis attulerunt emolumentum, Tibi
Princeps cum vix quenquam parem, certè Superiorem
neminem recensebit; Quinimo quotquot illi sunt, aut
esse possunt, qui Te dignitate hac præière, suum jam
illi Tibi debent honorem, ac si Ei, qui Illustrissimis Má-
jorum Tuorum clarus Ceris, clarior & Ipse eorum vir-
tute Primatiale hoc occupans subsellium, luculenter
demonstras, neminem nisi Genere, Generisque nobi-
litate parem, Ejusmodi honoris fastigium attingere
potuisse.

Sed quoniam ad quodvis dignitatis culmen, pul-
chrior, augustiorque est ille passus, quem qui de virtu-
te ac ejus merito, quam superba Majorum suorum o-
stentatione & jactantia ad illud facit; adeo jam Tu
Princeps omne in Te probitatis ac virtutis congeffisti
decus, ut cum nulla earum Tibi desit, tum omnes ita

E

in-

insunt, itaque in Te elucent, ut & omnes in una, & una in omnibus videatur. Ex quo enim Divi Te terris dederant, ac primam cum viventibus igressus es aciem, sic statim eo mentem animumque converteras, eoque nisus ac conatus omnes intenderas, unde virtutis Normam, probitatis exemplar, morum gravissimorum specimen desumpstisses. Non obfuit videlicet magnæ & ad optima natæ indoli Tuæ, tenera ætas, maturo graviq; ingenio lubrica aliàs & in alijs juvenus, ad instituendam optime vel à primis exordijs vitam, imo verò primâ luce, clare luculenterque adverteras, quid in moribus rectum vel dissonum, in virtute decorum, in Vitijs deformis, in omni hominis vita, quid clarum & præcellens, vel obscurum & ignobile spectaretur. Nullum jam hinc proinde Tibi cum juvenibus, nullum cum Viris, quantumvis aliunde Claris & insignibus, sed non ita bene probitate instructis consortium, hos Tu respectabas, eorum conversationibus societateque delectabaris, quorum spectatâ virtute optimeque formatâ vitâ Tibi in exemplar propositâ, ad quosvis Ecclesiæ & Patriæ usus formareris.

Jam verò juveniles egressus annos, primaque ineuntis adolescentiæ aggressus exordia, quantâ curâ & solitudine, quamque ferventi animi æstu, ac virium conatu in illa ediscenda ferebaris Princeps, quæ Te posthac Sanctum & doctum, Sapientem & Justum, innocentem & humanarum Divinarumque rerum optime gnarum erant probatura? Sufficere Tibi Divinoque Tuo non poterant ingenio, intra Patrios limites conclusa doctioris Palladis domicilia, quare ultra illa, ultraque Patriæ fines, ea quærenda Tibi fuit Eruditionis Institutio, quæ quâ Tui vastitatē complevisset ingenij, tam avidum in Literas studium satiasset.

Processisti itaque extrâ Patriæ Solum, Orbem exoticum, non tam oculis lustrans, quam admirationis Tuæ famâ implens, non tam vestigijs calcans prætereuntibus quam perennaturis peragrans laudibus, apud

pud Eos semper Major & clarior, quibus postea contigisses. Et cum necdum de Nomine Origineque Tua quæreretur, jam Donatorū, Caraffarum, Korczakorumque inclyta Soboles noscebare. Ea nimirum frontis Majestas, oculorum decor, oris dignitas, & quod præstantius est, ea morum compositio, & virtutis maturitas in Te spectabatur, ut nisi Maximorum Ducum, Principum Orbisque Heroum nepos Noscereris, nosci alius nequisti.

Ut verò Septicollem Urbem Dominam Orbis, Christianitatisque Caput Romam, vel primo introivisti passu, sic statim integram illam in Tui admirationem excivisti, ut de tanto variarum gentium confluxu, de tanta confluentis populi frequentia, de tam frequentissimo remanentium, transeuntium, commorantium eâ tempestate Principum numero, nemo exstiterit, qui non Te videre, non Te alloqui, non Te suo associatum consortio habere exambiret; Videbaris itaque ab alijs, colebaris ab alijs, adorabaris ab alijs, ab alijs & illis nonnisi Principibus Regnorumque Proceribus ad consortia invitabaris; Quidquid tamen hoc honore admirationeque Tui Tibi Princeps delatum esse existimationis Orbis Polonus intuetur, intueatur delatum esse, non quia externus externis adveneris, cum hoc fecerint & faciant alij, non quod longa viarum spatia ad videndas eorum oras sis emensus, cum hæc metiantur & alij, non denique, quod multa vetustæ virtutis ac perantiquæ eruditionis revoluturus monumenta ad illos perveneris, cum ad illa volvenda, & revolvenda pervenerint perveniantque & alij, sed quia omnes eam Tibi inesse mirabantur virtutem, eam ingenij admirabantur felicitatem, à qua & de qua, quàm suæ Regioni diuturnam famam, tam Tibi Tuoque Celsissimo Nomini, nullis depravandam sæculis gloriam, eventuram autumabant. Quam enim optimè illo etiam tempore noveras Princeps qua & de qua ratione Patrios deseruisti limites, tam nullum peregrinationis Tuæ sivistis

præterijſſe momentum, quod externis ad Tui admirati-
onem, Patriæ ad utilitatem, Tibi ipſi ad æviternam
gloriam non ceſſiſſet. Privatum enim ſeu incolebas li-
men, ad illa incumbebas, quæ Te non minùs eruditi-
orem, cultioremque ingeniò, quàm Sanctiorem virtu-
te effeciſſent. Seu in Aulis Principum Primorumque
Orbis verſabaris, Eum Te præſtitisti, qui & Tui Nomi-
nis dignitatem, & Patrij Soli honorem aſſeruisti; Seu
demum in publicum prodieras, ea ſcrutatus es, quæ Te
de Terrarum ſitu, Regnorum amplitudine, Gentium
moribus, populorum legibus, Aularum in Orbe Re-
gnantium neceſſitatibus, negotijs, viciffitudinibus ple-
nè informaffent. Et hoc eſt Princeps Celſiſſime, quod
Te quàm remotiſſimis à Patria regionibus adeo carum a-
mabilemque reddiderat, ut nuſquam Te dimiſſent,
niſi dimittendum dimiſſumque doluiſſent, tam Patriæ
Regnoque integro tantopere exoptandum, Te ipſo in
reditu vel primis faſcibus ſalutandum deſtinaffet. Ve-
rum enim verò cætera inter animi ac ingenij ornamen-
ta quibus externo ſub Sole Divinam Tuam Princeps im-
buendam locupletandamque mentem cenſueras, ea
præprimis fuère, quæ Te non Sacerdotio tantùm, mi-
noribusque Eius honoribus, verum etiam ipſis Pontificijs
Tyaris, Principibusque Purpuris præficiendum eſſe de-
monſtrarent. Nam quodſi nos & quibufvis Sacri Fide-
lium cætûs Prælatiſ, & ipſis Eorum Pontificibus ut Ec-
cleſiæ DEI, optime & cum emolumento præſint, has
virtutis ingenijque dotes ineſſe oportere accipimus, ni-
mirum Fidei, vitæque integritatem, Pietatem, Vigilan-
tiam prudentiam, constantiam, excellentem doctrinam
& magnanimitatem animi, Benignitatem & affabili-
tatē, modeſtiā & humilē de ſe ſuiſq; rebus ſenſū, proſecto
Tu *Princeps* ita has omnes Tibi comparaſti, compa-
raſque ita inſtructus cenſebaris, ut vel in primo adi-
tu, ad Nobiliſſimum illud Cracoviensis Cathedræ Præ-
latorum Collegium, & non immeritò Præſulum ac Ar-
chi-Præſulum Seminarium, adeo his excellueras, ut

cas

cas aut cum lacte materno suxisse, aut divinitus infusas habere credereris.

Quid enim Tibi *Princeps* defuit quod in Te quàm Fidei tam intaminatæ moribûs vitæ integritatem non probaret? Expressisti in Te nedum Eorum typum, quos juxta Ambrosij sensum, *in fide integros, in pressura probatos* esse Ecclesia voluit, sed Ejus quem Apostolus desiderat: *Esse amplectentem fidelem sermonem, qui secundum doctrinam est, ut potens sit exhortari in doctrina sana, & eos qui contradicunt, arguere;* cum & Ipse, eo in dogmata Fidei ferebaris sensu, quē ipsa DEI veritas, universalem suam Ecclesiam retinere voluit, & cæteris (quoties Tibi ex Suggestu verba facienda forent) ita impresseras explicuerasquē ut & ij qui adversè & perversè de illis sentiebant penitus illis acquiescerent, & ij qui eorum institutioni & doctrinæ moribûs & vitâ contrairent, protinus ad meliorem christianæ orbitam regulæ ducerentur. Et cum id vel eo fervore, qui ferventissimos; vel eo zelo, qui zelozissimos; vel eâ suavitate, quæ suavissimos; vel eo eloquio quod eloquentissimos Verbi Divini Assertores semper decet & decuit in animis efficiebas audientium, tum vel maximè non fucata vitæ innocentia, planeque ad Sanctiorem hominum modum & regulam compositis moribus comprobabas.

Quæ verò in DEUM pietas, quis erga Divina in Te *Princeps* exstitit semperque exstat amor? Nihil unquam egisti & agis, quod non pro summa pietate susceperis & suscipias, nullum vitæ tempus temporisq; horam præterijisse finis & sivist, quo spectata hæc virtus, & Viros Ecclesiasticos apprime decens, in Te luculenter non reluceret. Templâ enim & Sacras ædes, eo semper adijsti & ades ardore, qui ferventissimis in DEI obsequio viris convenit; Aris Altaribusque eo adstas adstitistisque fervore, ut veluti unus de Cælestibus amore divino flagrantibus Spiritibus illis adstare observeris. Divinis ita functus es & fungeris officijs, ut eum
F. decet,

decet, cui præ oculis est altoque hæret semper infixum animo, non alij, præterquam DEO ipsi suam navare operam. Tecum ipse morabaris & moraris, seu in publicum prodijsti & prodis, cum domesticis tractaveras & tractas, seu cum externis publica composueras negotia & componis, Tuis seu Reipublicæ insudasti & insudas commodis; Unum Tibi est, fuitque semper DEI amorem, Sacrorum cultum, veræ Religionis observantiam, quàm intra proprii intima cordis retinere, tam aliòrùm animis mentibusq; radicare. Quinimo virtutē hanc amoremque DEI & Divorum istum quo magis in Te confirmes, animisque imprimas aliorum, præterea, quæ de rebus Divinis tacita tecum mente quotidie recogitas, præter libros Asceticos quos sæpius volvis & revolvis, ea quotannis reiteras exercitia, quibus nonnisi Sanctioris vitæ sectatores vacare assveverunt.

Et hoc tam alto, tamque pietatis plenò, cum in DEUM fereris ferebarisq; semper animo, tum ea curâ & vigilantia commissis Tibi ab Ecclesia & Patria insistebas & insistis munijs, ut cum plura ad semel susceperis, tum omnia ita expeditisti, ut nulli Eorum deesse videreris. Testis est tantæ ac istius vix animo concipiendæ in Te virtutis, præprimis Ecclesia Cathedralis Cracoviensis, quæ Te jam Canonicū suis apprime obsequijs deditū, jam Cancellarium rarâ præstantem facundiâ, jam Præpositum planè suis devotum cōmodis obtinuit; Testis Decanatus Pilecensis, qui quo diutius suum Te retinuit Officialem, eo vigilantius rebus suis sensit incumbentem; Testis Cænobium Sandecense Sancti Monialium Seraphici Patris, cujus per plures Annos Commissarium agens, egisti ita ut in nullo ei defuisses. Testis Diæcesis Cracoviensis quæ multorum multoties Decanatum videns Te Visitatorem Eum semper vidit, qui pro munere suo depravorum in Clero & populo morum serius Corrector Emendatorque extitisses. Testis Patria, quæ toties quoties Te aut assidentem Tribunalibus Judicem, aut Regnatrici Domui Reipublicæque

quæ Ordinibus sua promoventem negotia vidit & audiit, toties suis commodis multo sudore invigilantem est experta. Ipsa denique testis Roma, cujus cum plurium negotiorum variarumque causarum multoties jam Judex, jam Commissarius exstitisti, tum omnes, & omnia tam sedulo, tam vigilanter, tam indefessè (& quod rarius est) tam faustè feliciterque transegisti & expedisti, quam ipsa sibi exoptabat.

Quidquid tamen hoc vel in illo virtutis meritique passu, aut DEO placens, aut Ecclesiæ proficuum, aut Patriæ utile, aut Tibi Nominique Tuo *Princeps* non inglorium egisti & agis, agis & egisti semper pro illa prudentia, quam cum nemo ingentem, nemo aliunde conquistam, nisi desuper inditam sibi habet; Tu eam ita obtines, ut cæteri virtutes cæteras sibi congenitas asseverent. Quod enim tempus Divinis quod humanis rebus sit impendendum nosti optime; quo loco justitia; quo Clementia exercenda, perpendis; benignior cui, severior cui vultus exhibendus, non nescis; qua ratione Procerum aliquis vel de plebe, divitum, vel inopium, sapientum, vel rudium numero, tractandus sit non ignoras; inter justum & injustum, probum & reprobum, æquum & iniquum, ita dignoscis, ut Te Judice, nec virtus quantumvis vitij obtenebrata fuligine suo præmio, nec vitium licet virtutis contemptum pallio pænâ suâ caruerit. Qua animi dote cum Tu *Princeps* excelluisti semper, & excellis ita, ut illi quibus mens inest Divina, dubitare non potes, quin eorum superaveris gloriam, qui aut pietate in DEUM ferventes, aut amore in Patriam effusi, aut pro legibus tuendis acriores, aut in Regnatrices Domos, insignes, aut in bonum commune liberales, virtute & ingenio, fortunâ & opibus, clientela & obsequijs, vita & sanguine exstiterunt. Quæquæ enim virtutes sunt aut numerari possunt, illæ sunt & numerantur, quarum aliæ ornant homines, aliæ commendant, sola verò prudentia est, quæ unumquemque mortalium, & ad res maxi-

mas optime gerendas disponit, & Supremis Ecclesiæ Patriæque obeundis Magistratibus perquam idoneum reddit, & denique ea est, sine cujus luce cæteræ virtutes vitij caligine obvolvuntur.

Inde est *Princeps*, quod tantâ rerum gerendarum ratione instructus, tanta in omnibus excelleas prudentia, ea magnitudine constantiaque polleas animi, ut nisi ad verum & rectum ullatenus flecti possis. Non enim Te cujusquam vultus, non gratia, non blandientes sermones à recto dimovent, non minæ, non intentati terrores, non severior agendi modus à verò usquam deterruit, ad promissa, pollicitationes, oblata etiam munera, (quibus vis magna fortissimaq; inest) quâvis immotior basi obstas, & licet alias, eâ præstes virtute, ut ne adversus plebejum quemquam, ac infimi ordinis hominem, supercilium attollas, attamen ubi DEUS, virtus, veritas vocantur in discrimen, tum demum eo es animò, ut cætera omnia nihili reputans, DEUM ipsum, comitemque ejus virtutem intuearis, illud sane in Te vivâ referens imagine, quo licet orthodoxæ fidei, veritatisq; inimicus & hostis apud suum Imperatorem, Magnum dilaudavit Basilium: *Præstantior est, quam ut minis; firmior, quam ut sermonibus; fortior, quam ut verborum blanditijs possit superari.* Atque hinc est *Princeps* quod Te seu Judice, seu Commissariò, seu quovis alio in Ecclesia & Patria fungente munere, fides, justitia, leges, innocentia incorruptæ stetere, nam Tu penes eas stetisti, qui ab illarum tutela nulla unquam ratione eras dimovendus.

Præcellentem autem doctrinam, summamque rerum omnium notitiam, quis in Te *Princeps*, cui cognitus es non admiretur? quæ liberalium artium, quæ humanarum Divinarumque scientiarum esse potest, quam Tu & laboriosissimè non conquiveris, & penitus non perceperis? Dicent Polona, Dicent Romana Gymnasia, quam seriò seduloque & illis quæ rerum notitiam animis ingerunt, & quæ ad Ecclesiasticum Civilemque

Statum

Statum optimè noscendū & cognoscendum referuntur, insudasti. Imo verò ipsæ quōtidianæ Tuæ cum varijs variorum Statuum Conditionumq; hominibus conversationes, luculenter Te *Princeps*, quàm rerum omnium peritissimū tam doctissimum sapientissimumquē profitentur; Seu enim vetera Tibi commemoranda? ita ea cōmemoras ac si primo facta essent; Seu præsentiā reproducenda? ita reproducis ac si oculis cernerentur; Seu externa referenda ita ea refers, ac si domestica forent; Seu domestica alleganda, ita ea allegas ut modo rationeque nemo meliore; Situs, positio, amplitudo Regnorum, mores, consuetudines, leges gentium, affinitates, fœdera, societates populorum, Regnantium in Orbe, ac in unaquaque Ejus Regione Familiarum Nomina, eventus, res gestæ, consilia, vicissitudines, præstantissimo Tuo, ac ei ferme Divino adeo hærent impressa ingenio, ut non melius fastis etiam impressa teneantur. Quod verò in rebus concipiendis, mentis Tuæ acumen; in proferendis, quæ verborum copia, suavitas, ornatus, & dignitas; in comprobandis, quæ rationum vis & nervus; profecto longe ampliore gloria vigerent apud nos pro nunc quam vigent, Græcæ alter, Romanæ alter Parens Eloquentiæ, si æquē huic ac illi hæc quæ Tibi *Princeps* inest, & ingenij felicitas & eloquij ubertas contigisset. Ut autem de humanis erudite, ut de Divinis (quoties Tibi se occasio offert) sublimiter & scite dissearis, sinimus nos equidem hæc in Te prædicare, & eo quo par est, & quo ipsa merentur prosequi eloquij cultu, cum ultra ingenium ultraque eloquium Nostrum eorum sint laudes & encomia, nihilominus tamen unum id de Te illisque fatemur & profiteamur, nimirum: ita Te in his versatum esse, ut & Tu illis commendationi maximæ, & illæ Tibi gloriæ non postremæ semper essent & fuissent.

Ac cum in cæteris Artium Scientiarumquē passibus adeo Te *Princeps* ingenij Tui felicitas gloriosum reddidit, tum in illis, quæ ad Ecclesiasticam referuntur

disciplinam adeo excellentem reddit, ut Te cognitione eorum & notitiâ, aut nemo, aut vix quisquam valeat adæquare. Porro *Princeps Celsissime*, cum vel ab ineunte ætate optimè jam noveras, cujus vitæ rationes eras suscepturus, cuiquè Statui Nomen Tuum daturus, proinde ea Tibi vel maximè ediscenda proposuisti, quæ & Te statui illi, perquam utilem, & Tibi statum illum non inglorium reddidissent. Quare primordia incrementaquè Ecclesiæ, ritus & Cerimonias, arcanas regendæ & gubernandæ Ecclesia rationes, ita Tibi notas habes, ac si innatas habere censereris. In jure verò Pontificio ut versatus es, utque excellis? nulum tam difficile Tibi usquam contigit in fide negotium, quod Tu ex æquo non composueris; nulla tam involuta obvenit causa, quam pro parte justiori, sapienter non decreveris, nullus tam arduus tamquè perplexus est propositus casus, quem Tu ad mentem Sacrorum Canonum jurisque Pontificij sensum, quàm prudenter, tam scitè non definiveris. Sanè ita omnes legis regulas, omnesquè Juris Ecclesiastici ita intra Te tenes & retines rationes, ut ea omnia quæ ad Ejus definitionem decisionemque spectare & pertinere videntur facile *Princeps* habeas comprehensa.

Accedit demum his tantis ac talibus virtutis & meriti, scientiæ & eruditionis in Te ornamentis affabilitas, modestia, humilisque de se, rebusquè Tuis sensus, quibûs Tu quidem virtutibus, tanto Te magis in ima demittis, quanto cæterorum adminiculò sublimiora tenes dignitatis. Ea enim nimirum *Princeps* affabilitatis ratione polles, ut qui dignitate par primis, humanitate par infimis esse videaris. Equidem & omnibus & unicuique Eorum, qui Te accesserunt & accedunt tam facilem tamque benevolum Te semper præstitisti & præstas, ut æquè ille qui numeroso Clientum stiparetur comitatu, ac ille quem ipsa nonnisi subsequeretur & subsequitur inopia, uno vultu, unâ fronte,

te, eâdemque vultûs & frontis serenitate, semper fuerit à Te receptus, omnique tempore ad Te admittatur.

Neque verò Eum Te ideo & talem omnibus exhibes, quod Te in eo dignitatis fastigio, quod summos quosque decuit, constitutum esse, minime ignoravisti, & ignoras, sed quia tam modesto tamque humili de Te rebusque Tuis ferris semper, & ferebaris sensu, ut parem Te omnibus arbitrareris semper & arbitreris. Ab inde venit *Princeps* quod sæpe eminentiores in Ecclesia effugeras dignitatis gradus, sæpe Pontificias Tibi ultra oblatas evitaveras Insulas, hanc etiam Principem rejecturus Purpuram; nisi Te postulata Principis, preces Ordinum Reipublicæ, commodum utilitasque Patriæ ad eam suscipiendam còegissent.


Videat jam proinde Archi-Diæcesis, quem Pontificem, Senatus, quem Principem; Regia Majestas, quem Vice-Regem: Gentis Utriusque Antistites, quem Primatem; Roma denique ipsa quem Legatum in Te nanciscatur *Princeps*, & cum Eum Te adverterit, qui undequaue muneri huic, quod intra Patrij Regni limites maximum habetur, par accedas, ea jam sibi Ecclesia, ea Patria ex Magistratu hoc Tuo eventura autumet omineturque emolumenta quæ publicas res suas, simul ornet, & adaugeant. Redibit enim pristinus Genti utrique apud exterarum nationes honor, Te Primate Regni sui, genere Nobilissimo; fidei orthodoxæ cultus, sedis Apostolicæ reverentia, in animis populorum dilatabitur amplissimè, Te ejusdem Sedis Legato Nato; pro DEO, Fide, Ecclesiasticarum Præceptionum observantia zelozissimo, Templis, Aris, Altaribus, Altariumque rebus Sacris, cultus, à Clero & populo frequentatio, ab omnibus inviolata securitas & immunitas servabitur, Te Antistite pietate exemplarissimo; Serenissimæ Majestatis intensæ circa administrandum Regnum gubernandamque Republicam curæ imminu-

entur, Te partem negotiorum Regni assumente Vice-Rege exactissimo. Senatus Authoritas, honor Equestris Ordinis, Districtuum, Terrarum, Palatinatum dignitas, tantò magis ampliabitur, quantò majore Tu authoritate honore & dignitate stipatus *Princeps* Eis primusque accedis Senator; Libertas, Leges, boni Communis fortuna, tantò Te acriorem sui assertorem experientur, quantò melius illis es instructus artibus, quibus quid libertati conveniens, quid adversum, quid juxta vel contra Leges, quid Regni fortunam augere vel diminuere solet plane cognita habeas; Urbes Civitates, oppida, Eorumque Incolæ Eum Te jurium suorum sentient Defensorem, cui quam maxima, maximæ insunt curæ, tam minima nusquam desunt & defuerunt. Religiosi Ordines, eorumque cænobia, egeni, inopes pupilli, orphani, spe vitæ destituti eum Te sui Protectorem, rerumque suarum Tutorem habebunt & vendicabunt, qui ope, auxilio, largitionibus, largitionum stipendijs multis, eorum inopiæ, & egestati nusquam es defuturus. Sacra hæc denique dignitas, sacerque hic Tuus in Ecclesia & Patria Magistratus, Eum Te habet, habebitque, qui pro Tui Polonique gloria Nominis, & ita munia ejus sis obiturus, ut nihil sit, quod ad commendationem sui Ecclesia & Patria amplius prætereundum possit, & ejus prærogativas magno primum defudantium in Vineam Domini, Cathedræ hujus Antistitem quæstas labore, ac multis demum firmatas, confirmatasque à Sede Apostolica munitionibus, ita in pristinum statum sis relevaturus ut nihil postea sit, de quo amplius dubitetur. Didisti jam in manutenenda sustinendaque ejus ratione luculentissima Operæ Tuæ documenta, cum controversiam à multis cæptam annis, & per plures Tui Antecessores defensam, ita Tu vel in primo ad Sacram Purpuram aditu defendisti, ut integrum pleneque jure gaudentem Magistratum Tuum, ijs qui sero Tibi succedent, sis consignaturus.

Et

Et hanc Tuam *Princeps Celsissime* gloriam,
quā jam Generis præstantia, jam virtutis meritique
in Ecclesiam & Patriam collati ratio, jam præsens hoc
honoris fastigium Tibi adsciverat, prædicantibus No-
bis, plenoque de hac Tua fortuna perfusis gaudio &
lætitia quid demum superest, quam ut votis omnibus
taciti & verba facientes, privatim & publice, tum ipsi
nobiscum versantes, tum in cætu hominum existen-
tes, loco omni, actu omni, habitu omni temporeque
omni ea eventura Tibi optemus & exoptemus, qui-
bus præprimis in dies lustra, in lustra ætates, in æta-
tes integra Vitæ Tuæ coniicias sæcula, eos pro Eccle-
sia & Patria consiliorum Tuorum legas eventus, qui-
bus nemo Te felicior existat, ac denique si quid est
quod Primatialis Tui solij gloriam adaugere queat,
quodque Tu Tibimet evenire precaris Sacræ huic
quantocyus accedat Dignitati.





Biblioteka Jagiellońska



sidr0022350

